

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

[Illustration]

urn:nbn:de:bsz:31-62174

A



I. Cap.

B



Is ist die Last / welche
der Prophet Habacuc gesehen hat. **HERR**
wie lang sol ich schreien / Vnd du wilt nicht hören? Wie
lange sol ich zu dir ruffen vber freuel / Vnd du wilt nicht
helffen? Warumb läsststu mich sehen Mühe vnd arbeit?
Warumb zeigestu mir raub vnd freuel vmb mich? ^a Es
geheth gewalt vber Recht. Darumb gehets gar anders
denn recht / vnd kan kein rechte sach gewinnen / Denn der

^a Wel sic. Haber vnd
Janck hat vberhand.

Gottlose vber forteilet den Gerechten / Darumb gehen verkerte Vrteil.

Schawet vnter den Heiden / sehet vnd verwundert euch / Denn ich wil etwas
thun zu ewern zeiten / welchs ihr nicht gläuben werdet / wenn man dauon sa-
gen wird. Denn sihe / ich wil die Chaldeer erwecken / ein bitter vnd schnell Volck /
welchs ziehen wird / so weit das Land ist / Wohnung einzunemen / die nicht sein sind.
Vnd wird grausam vnd schrecklich sein / das da gebeut vnd zwinget / wie es wil.
Ihre Koffe sind schneller denn die Parden / So sind sie auch beissiger / denn die
Wölffe des abends. Ihre Reuter ziehen mit grossen Hauffen von fernem daher /
als stögen sie / wie die Adeler eilen zum aß. Sie komen alle sampt / das sie schaden
thun / Wo sie hin wöllen / reissen sie hindurch / wie ein Ostwind / vnd werden gefan-
gene zusamen rafften / wie sand. Sie werden der Könige spotten / vnd der Fürsten
werden sie lachen / alle Festunge werden ihnen ein scherz sein / Denn sie werden
Schütte machen / vnd sie doch gewinnen. Als denn werden sie einen neuen muth
nemen / werden fort faren vnd sich versündigen / Denn mus ihr Sieg ihres Gots
tes sein.

Diesen Spruch st-
ret S. Paulus Act.
13. auff ein andere
weise / denn ihu hie
der Prophet wie er
sonst mehr zuchun
pflegt.

Wer du **HERR** mein Gott / mein Heiliger / der du von ewigkeit her bist / Laß
vns nicht sterben / Sondern laß sie vns / **O** **HERR** / nur eine straffe sein / vnd

Habacuc Gebet.

Ua ij laß